

Broj: 01-14-2395/17
Datum: 26.04.2017.godine

3.5.17. A

Na osnovu člana 69. stav (1) tačka b) i stav (2) tačka d) i člana 70. st. (1), (4) i (6) Zakona o javnim nabavkama („Službeni glasnik BiH“, broj: 39/14), a na preporuku Komisije za javne nabavke imenovane rješenjem broj: 01-34-135/17 od 16.01.2017. godine, u postupku javne nabavke goriva i maziva za motorna vozila Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata, sjedište Odsjeka za pitanja evidencija iz oblasti vojne obaveze Sarajevo, Tuzla, Goražde, Zenica, Travnik, Bihać i Mostar, federalni ministar za pitanja boraca i invalida odbrambeno-oslobodilačkog rata/federalni ministar za pitanja branitelja i invalida domovinskog rata
d o n o s i

ODLUKU o poništenju postupka javne nabavke

Član 1.

Poništava se otvoreni postupak javne nabavke roba-nabavka goriva i maziva za motorna vozila Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata, sjedište Odsjeka za pitanja evidencija iz oblasti vojne obaveze Sarajevo, Tuzla, Goražde, Zenica, Travnik, Bihać i Mostar – Obavještenje o nabavci broj: 746-1-1-6-3-4/17 objavljeno na portalu javnih nabavki dana 23.03.2017. godine i u „Službenom glasniku BiH“ broj: 23/2017 od 31.03.2017. godine.

Član 2.

Ova odluka objavit će se na web-stranici Ministarstva www.fmbi.gov.ba, istovremeno se ista upućuje ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke roba-nabavka goriva i maziva za motorna vozila Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata, sjedište Odsjeka za pitanja evidencija iz oblasti vojne obaveze Sarajevo, Tuzla, Goražde, Zenica, Travnik,

Bihać i Mostar, pokrenut je Odlukom o pokretanju postupka javne nabavke broj: 01-14-7174-3/16 od 30.12.2016. godine, redni broj nabavke u Planu javnih nabavki:8.

Javna nabavka je provedena putem otvorenog postupka.
Procijenjena vrijednost javne nabavke bez PDV-a je 89.743, 59 KM.

U ostavljenom roku za dostavu ponuda zaprimljene su 2 (dvije) ponude i to: HIFA PETROL d.o.o Sarajevo i HOLDINA d.o.o. Sarajevo.

Komisija za javne nabavke je dana 24.04.2017. godine u 16,00 sati izvršila javno otvaranje ponuda o čemu je sačinila Zapisnik sa otvaranja ponuda, broj: 01-41-971/17-1 i isti prosljedila ponuđačima.

Komisija je na zatvorenoj sjednici održanoj dana 26.04.2017. godine izvršila provjeru formalne ispravnosti sadržaja pristiglih ponuda, te ustanovila da ponude ponuđača „HIFA PETROL d.o.o Sarajevo i HOLDINA d.o.o. Sarajevo nisu formalno ispravne iz slijedećih razloga:

U skladu sa članom 69. stav 2. d) Zakona o javnim nabavkama ponude nisu potpune i ne ispunjavaju uslove iz Tenderske dokumentacije za javnu nabavku goriva i maziva za motorna vozila Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata, sjedište Odsjeka za pitanja evidencija iz oblasti vojne obaveze Sarajevo, Tuzla, Goražde, Zenica, Travnik, Bihać i Mostar (Obavještenje o nabavci broj: 746-1-1-6-3-4/17 koje je objavljeno na Portalu javnih nabavki dana 23.03.2017. godine i u „Službenom glasniku BiH“, broj: 23/2017. godine).

Ponuda ponuđača HIFA PETROL d.o.o. Sarajevo nije prihvatljiva iz sljedećih razloga:

Tačkom 7.4.2. tenderske dokumentacije propisano je da će se ocjena tehničke i profesionalne sposobnosti ponuđača izvršiti na osnovu jednog ili više dokaza:

b) dokaz ponuđača da u svim navedenim mjestima isporuke ima na raspolaganju prodajne objekte za isporuku goriva i maziva (izvod iz sudskog registra, ugovor o poslovnoj saradnji, ugovor o zakupu).

Razmotrivši ugovore o poslovnoj saradnji sa podugovaračima utvrđeno je da iz istih nije vidljivo da je ugovor sklopljen za benzinske pumpe u Travniku i Goraždu, a u Izjavi o benzinskim pumpama broj: JN-1144/17 od 03.04.2017. godine, utvrđeno je da podugovarač za Travnik nema benzinsku pumpu u Travniku već je navedena benzinska pumpa u Kaknju.

U Obrascu za ocjenu ponude-tehnička specifikacija Aneks 3, u Tabeli 1. navedeno je da je za benzin BMB 95 zemlja porijekla Bosna i Hercegovina, a u Tabeli 2 benzin BMB 95 navedena je zemlja porijekla Hrvatska, što je samo po sebi kontradiktorno.

U toku evaluacije ponuda komisija je utvrdila neusaglašenost između navedene potvrde Vanjskotrgovinske komore Bosne i Hercegovine i Certifikata o kvalitetu goriva (Izveštaj o inspekciji), a na osnovu kojeg je navedeni ponuđač dokazivao da roba koja se nudi ima porijeklo iz Bosne i Hercegovine, te da se na istu primjeni preferencijalni tretman domaćeg. Ponuđač je u svojoj ponudi dostavio dokaz o kvaliteti goriva, Izveštaj o inspekciji iz kojeg je vidljivo da je ispitivanje vršeno na gorivu koje isporučuje NTF Ploče.

Ponude ponuđača HOLDINA do.o. Sarajevo nije prihvatljiva iz sljedećih razloga:

Tačkom 7.4.2. tenderske dokumentacije propisano je da će se ocjena tehničke i profesionalne sposobnosti ponuđača izvršiti na osnovu jednog ili više dokaza:

pod a) spisak izvršenih ugovora o isporuci robe koja je predmet nabavke u posljednje dvije godine (2015. i 2016. godina), ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine. Uz spisak izvršenih ugovora ponuđač je dužan dostaviti potvrde koje su izdali primaoci robe, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjeđe.

Ponuđač nije dostavio potvrdu o izvršenim ugovorima za 2016. godinu.

Tačkom 7.4.2. pod c) tenderske dokumentacije propisano je da je ponuđač dužan dostaviti certifikate o kvaliteti goriva - potvrde od nadležne agencije za kontrolu kvaliteta da se robe koje su jasno identificirane po referencama, zadovoljavaju Evropske normative za kvalitetu.

Ponuđač nije dostavio certifikat o kvaliteti goriva za benzin BMB 98.

U toku evaluacije ponuda komisija je utvrdila neusaglašenost između navedene potvrde Vanjskotrgovinske komore Bosne i Hercegovine i Certifikata o kvalitetu goriva (Izveštaj o inspekciji), a na osnovu kojeg je navedeni ponuđač dokazivao da roba koja se nudi ima porijeklo iz Bosne i Hercegovine, te da se na istu primjeni preferencijalni tretman domaćeg. Ponuđač je u svojoj ponudi dostavio dokaz o kvaliteti goriva, Izveštaj o inspekciji iz kojeg je vidljivo da je ispitivanje vršeno na gorivu koje isporučuje Rafinerija Sisak.

Komisija je nakon donošenja Zapisnika o pregledu i ocjeni ponuda broj: 01-14-971/17-2 od 26.04.2017. godine preporučila ugovornom organu da predmetni postupak poništi, te je u skladu sa članom 69. stav (2) tačka d) Zakona o javnim nabavkama Bosne i Hercegovine („Službeni glasnik BiH“, broj:39/14), odlučeno kao u članu 1. ove odluke.

POUKA O PRAVNOM LIJEKU:

Žalba na Odluku o poništenju postupka izjavljuje se URŽ-u putem ugovornog organa u roku od 5 dana od dana prijema Odluke.



Dostavljeno:

1. Ponuđačima (2x)
2. Komisiji za javne nabavke
3. a/a